

Supervizor za Brčko imenuje novog poslanika u Skupštini Distrikta

Danas je ambasador Henry L. Clarke, supervizor za Brčko, izdao Nalog o imenovanju gospodina Mustafe Sinanagića (SDP) za poslanika, čime se popunjava i posljednje upražnjeno mjesto u Skupštini Brčko Distrikta Bosne i Hercegovine.

Ovo skupštinsko mjesto je jedno od tri mjesta koja su ostala upražnjena nakon ostavke gospodina Đorđa Ristanića i razrješenja gospodina Mustafe Mujkanovića i gospodina Mirsada Islamovića sa dužnosti poslanika u Skupštini Nalogom supervizora od 13. novembra 2002. god.

Dva mjesta su popunjena imenovanjem gospodina Branka Damjanca (SPRS) i gospodina Ahmeta Derviševića (SDA) Nalogom supervizora od 12. decembra 2002. god.

Ambasador Clarke upućuje čestitke novoimenovanom poslaniku povodom njegovog imenovanja izražavajući uvjerenje da će gospodin Sinanagić obavljati dužnost na takav način da služi zajednici Brčko Distrikta, vođen samo svojom savješću, Statutom Distrikta i interesima svih građana.